

# Bapu Ki Ye Amar Kahani Lyrics

## English

Suno suno aye duniya waalon  
Bapu ki ye amar kahaani  
Phir puran swaraaj ka  
Naara jaala aur pukara  
Azaadi ka veer sipahee  
Kabhi na himmat haara  
Phir daandi par jaakar  
Apne haathon namak banaaya  
Saare desh ko satyagrah ka  
Sundar sabak padhaya  
Bharatwasi japate the  
Phir gandhi naam ki mala  
Chaalish karod dilon mein  
Chhaya ek langoti wala  
Suno suno aye duniya waalon  
Bapu ki ye amar kahani

Sachhai ka atal pujari  
Jisne kabhi na himmat haari  
Sarkaari kanoon todkar  
Duniya ke aaram chhod kar  
Desh ki khatir jail gaya aur  
Apne sukh par khel gaya  
Suno suno aye duniya waalon  
Bapu ki ye amar kahani

Harijano ka maan badhaane ki  
Khatir brat rakhha  
Gandhi ne duniya ke aage  
Ek naya mat rakhha  
Gaam gaam mein harijano ki  
Haalat dekhi bhaali  
Harijan naam se harisevak ne  
Ik akhbaar nikaali  
Lyricsbogie.com

Congress ki baagdor  
Phir veer jawahar ko dekar  
Shuru kiya bapu ne  
Apna gram sudhar ka chakkar  
Suno suno aye duniya waalon  
Bapu ki ye amar kahani

Ek nayee awaaz jo aayee  
Shuru huyi ik nayee ladayee  
Goonjha phir bapu ka naara  
Chhodo hindustan hamara  
Chhodo hindustan hamara  
Phir aayi ik jail yatra jailon se  
Kab darta tha woh  
Azaadi ka parwana thaa  
Azaadi par marta tha woh  
Suno suno aye duniya waalon  
Bapu ki ye amar kahani  
Woh bapu jo puja hai itna  
Jitana ganga maa ka paani  
Suno suno aye duniya waalon  
Bapu ki ye amar kahani.

More Lyrics from [Bapu Ki Amar Kahani \(1948\)](https://www.lyricsbogie.com/bapu-ki-ye-amar-kahani/)